

خزینہٴ اوراق

نمبر
۲۲

جمعه ایرتسی
تاریخ تاسیس
۱ مایس سنه ۱۲۹۷

عمومی اعتباریله فنونه دائر رسالهٴ ادبیه در

آیده درت کره اوله رق جمعه ایرتسی کونلری چیقار

مثلا قارنم آجیقبور انکاره مجالم وانی برطرف ایتمکه احتمال
یوقدر جوعکم عدم امکان وازاله ونقصانه بیک کوزل برهان
اقامه واتیان ایتمش اولسم بهمه حال نافله یره کندیمی اتعاب
ایدرم سوفسطائیلق شارلطانلق مغالطه لئ نقد قوتلی اولور
سه اولسون بئم آچلغکم تسکینه قطعاً مداری اوله من طبیعت
کافه دلائلک معتمدیدر بو سائق صادق بزی لوازم واحتیاجاتمه
وجدانیات توجیه وارشاد ایدر بوبله ایسه دانما وجدانک الهی
ماننه تابع اوله لم البته بزی منزل مقصودمه ایصال واوزون
وقت ومشقتلر ایله طلبنده بولندیغمز علم وعرفان وعدالت بی پایانی
استحصال ایدر .

بونشته فایده ده بونجه اختلافات واختلالات آراستده ارا -
دیغمز وآرقه سنده کردیگمز احتیاجات برظل زائل وخیال باطلدر
موت ایله منقطع اولان زنجیر امل یا مطالبه کسب تعلق
وارتباط ایدر ویا بزم جله آرزولرمزی ایصالله بزی نائل
سرور ونشاط ایلر .
ایشته اول حیل متینی کشف ووجدانمه انسا کله حد
ومقیاسی اولمیان برسعادت ابدیه موفقی اوله جغز .

« مریض » *

تم فی پرزین یوم الثلث فی ۱۹ نیسان ۲۹۳

بو* « مریض » علمای کرامدن مشهور خواجه
تحسین افندیدر

وفات علیه نندن برکون اول کندیسيله وقوع بولان

مکالمه مزنی شو وجهله ضبط ایلدک :

« تحسین افندی » — بوکون خسته لغم پک جدی — احتیاجات

بشزیدن بالتدریج خلاص اولمقدمیم - هله دوندنبرو بر یو دیم
صوبه ده محتاج دکل .

کاشکی یکریمی اویج سنه اول اوغرا دیغم خسته لقدن اولیدم .
بنم وطفکله قوللری برلین سیجمله باغلی بر بی کناهدر اغیار
النده میدان سیاستده بولندیغی ساعتلرده بویله بر مفرح کوشکده
فراش تن پروری ایچنده جان ویره جکم - فنا وقتده اوله جکم .

«جوابیز» - ضعفک درجه ککله وارمسی خسته لغک انقرا -
ضنده علامت اوله پیلور . نومید عافیت اولمق بر خسته ایچون
نفسنه خیانت ایتمکدر .

(ت) - حضرت وجدان سنوحات اشراقیده - وبلکه الهامات
ربانیه دندر . بنم کیفه تابع دکل - کیده جکمی اوخبر ویرپور .
(ج) - امور وجدانیه جه رهنماری ارشدی طبیعتدر حالبو
که حسیاتمز ظنیات و وهیامدن عبارت دکل؟

ت - داخل جدی برحس ایله بولورم که اونی بو موقعده
بو وقتده تعریفه مجالم یوق بوندن اول وفاتمی بو قدر یقین
کسدره میهرک بوسنه ایله کله جک و او برسنه ایچون اویج تاریخ (*)
سویلدیم . اویج کوندنبریدر بیلورمکه برنجی تاریخیم بکایار
اوله جقدر .

ج - ذات فاضلاندرینک هر حالده ستم ناسدن ازاده
بولملری اقتضا ایدر ایکن مسائل شرعیه ده جناب حقل قهرندن
زیاده رجتنی اس الحاکمات اتخاذ بیوروب تعصبه اصلا محل
کوره مامکله اتهام اولمقدمه سکر .

ت - حالبو که بن حق تعالی بی بنم علیهمده بولنا نلردن ایو

(*) بو اویج تاریخ ابروجه نشر اولنه جقدر

بلیورم . چونکہ کنڈیسنی بیلہ رک و طانیہ رقی سجدہ ایدرم
حضرت محمد افندمزہ اک صادق اک محب پر بندہ یم - هر وقت
مداحیم .

دین اسلام حقنہ تدقیقات عمیقہ مشغلاری - جہلی منفعتی
اولدینقی تقدیرده دین محمدی بی تقدیس ایدرلر . حضرتی وحق
بحق طانورلر ادیان ومذاهب مختلفہ موجودہ نك هر
بری اوزرینه سندہ لرحہ تدقیقات ونجساست ده بولندم - کمال
بی طرفی وانصاف ایلہ خبر و بر مکه محمدیلر دن پك ناقص قالمیلر در انحق
هپسك مراعی بر نقطہ ده اجتماع ایدیور و بر اساس اوزرینه
ابتنا ایدیور . کل کورکه منفعت فردیه یوزندن نیجه مضرتلر
تولد ایدوب سایہ جہاننہ نوع بنی آدمی یکدیگری علیہنہ
جنوارلرک ارتکاب ایتمہ جکی مظالم ظالمانہ وحرکات وخشیانہ
رواج بولمشدر حالا جمعیت بشریہ - هنوز کوزلری اجتماعش
بر طفل یتیم کبی زمانی (اغلامقلہ) یکمکده در .

انسانلرده موجود اولان قوہ مدرکہ خیری شرہ ترجیح ایتمزہ
سوق ایدر . جعلی تفوهات - وساختہ حرکات ایلہ اک مخوف
پادشاہلرک حضور نده ده وجدانہ قارشونفس الامرہ مخالف کلہ یم .
بنم قباحتم سویلدیکمی بیلدیکم - و بیلدیکمی سویلدیکمدر .

ج - انسانک احساسات نامتناہیسیلہ بدن ضعیف بشریسی
دائما ترقیانہ اولان استعداد عالیندن محروم ایمان ذات فاضلا
نہلری کبی خواص علمانک واعاظم ادبانک مالک ککالات اولمزلندن
طولای مکافات عمومیدہ مظہریتلری زمانی عجبانوقت کلہ جکدر !!
ت - بو حال هر یرده واقعدر فصل واقع
اولسونکہ ماہیت انسانہ هنوز کشف اولنہ ماش بر

سر الهی کی عمومی اعتباریه مکتوم قالدیغندن حالا
انسانلرجه افعال واقوال هب یکدیگری اضلال و اغفال
نقطه سی اوزرینه مرتب خیل و دساییدن عبارتدر . شو قدر
وارکه شرق طرفلری اخیراً استیلا ایلان ظلام جهالت ضبیله
بوکی منفعت پرورانه نمایشلره منفرداً کدر و تأسفدن غیری الدن
نه کلور . استانبولده بنم دوستلرم از کسهلر اولدقلرندن خبر
موتمدن ارنودلر بلکه متأثر اولسونلر . شو مباحثه مزى
(خزینة اوراق) ده نشرینه باشلادیغکز مقاله ده ذیل ایتمک
ایچون حیاطده سزى مأذون ایتدم .

بنم علم نامشاهی به میل و توجهیم بالعکس حقیقه دیندار اولق
وعقلک بطلالت و عجزینی امتحان ایتمک ایچوندی .

استکمال اخلاقه اولان فرط خواهشم تحدیش اذهان دکل
تهذیب اخلاق خصوصنده بنی نوعی ارشاد اولدینی ارباب
اذعانک معلومیدر .

ج — طبیعت انسانیدک حقیقتی سزدن ابو بیلدکلری
سویلیان فصیحای معارضین اول امرده سزى ایوجه سویتلرکلر-
ندن انلری اسکات و اقناع ایده جک موادک تدارکی تحت قدر تکرده
اولوب اولدیغندن بی خبر بولمکلری لازم کلزمی ؟

و بو حالده سزه دینسزدیتمک اداب مناظریه متافی دوشتمی ؟
ت — بنی بعض هوسلره ابتلا ایدن (طبیعت کلیه) ی
افکار بارده اصحابی قبل الحاکمه سو تفسیر و تلقی ایدرک وفی
الواقع بنی ده سویتلرکلر مذاهب موجوده خارجنده تبعات
وبلکه تجلیات ایله اشتغال مقام آتیه درمیان ایدرکلر . بنم روحک
استکمالی اخلاق کامله ده متوقف اولوبده او کالات بنم ایچون
خلق اولماش اولسون ، کلانک نه معناسی اوله بیلور ؟

عقائد اسلامیه نك تقریر نہ دك نہ مدت لر یکم شد ر وعلوم
وقون متوعه اوزرینہ نہ درجہ لڑہ کشفیات و ترقیات ظاہر
اولم شد ر بورال نظر امعان و انصافہ التمیور .

بنی نوعنہ هیچ فنالق ایتمک قابل اولہ میہ حق صورت کسب
ایدن بر متفنن اختیارک ملتنہ وطننہ البت حدیجہ خدمت لر
ابراز ایتمش اولدیغنه حق تعالی شاهد عادلدر .
ج — نامک ز خیر الہ یاد اولنہ جغندن وجدانک ز البت
امیندر سز اولم دیکز برکون اولورکہ اخلافک ز مسعود اولہ جقدر .
عمود جلال الدین

(چینلیلرک اخلاق و عاداتنہ متعلق بعض معلومات)
چینلیلر عنندنہ بر قزک دنیایہ کلسی موجب ماتمدر حیفا کہ
بزم خرستیانلرک اکثریسی چینلیلر کبی قزلی دنیایہ کلدیکی
حالده ارکک اولمی ایدی دیہرک عادتا کرفتار یأس و فتور او-
لورلر (تراحوما غالمہ سی معلوم یا) بیچارہ لر هیچ درخاطر
ایده میورلر کہ بر مخلوقک خالق البتہ رزقینده برابر تقدیر
ایدر .

چینلیلر دنیایہ کلان قز چوجق لرینی قہر و اسفلرندن ناشی
لازم کلدیکی وجہلہ کوروب کوزتمیوب اوج کون مدتہ شویاہ
بر اولمہ جک درجہ دہہ بیچارہ لرہ صراق بر کوشدہ آتارلر
اوچجی کونی قزک پدري چوججفی اغوشتنہ الہرق بعض دو-
ستلری ایلہ برابر اجدادینک روحیچون دعا ایتمک لری اوطہ یہ
کوتوروب چوججفی اجدادینہ نذر ایدرلر برلنکدہ بولنان دو-
ستاری دخی عادات رسمک تمامی اجراستہ قدر چوججک یوزینہ
قارشی لارندہ طوغلہ وکرہ مید پارچہ لری طوقارلر اشہو رسم